

天

文

書

譯天文書序

皇上奉

天明命。撫臨華夷。車書大同。人文宣朗。爰自洪武初。大將軍平元都。收其圖籍。經傳子史。凡若干萬卷。悉上進

京師。藏之書府。

萬幾之暇。即召儒臣進講。以資治道。其間西域書數百冊。言殊字異。無能知者。十五年。

秋九月癸亥。

上御奉天門召翰林

臣李昉

臣吳伯宗而諭之

曰。天道幽微。垂象以示人。人君體天行道。乃成治功。古之帝王。仰觀天文。俯察地理。以修人事。育萬物。由是文籍以興。彛倫攸叙。邇來西域陰陽家。推測天象。至為精密。有驗其緯度之法。又中國書之所未備。此其有關於天人甚大。宜譯其書。以時披閱。

庶幾觀象可以省躬修德。思患預防。順天心。立民命焉。遂召欽天監靈臺郎。臣海達兒。臣阿荅兀丁。回回大師。臣馬沙亦黑。臣馬哈麻等。咸至于廷。出所藏書。擇其言天文陰陽曆象者。次第譯之。且命之曰。爾西域人。素習本音。兼通華語。其口以授儒。爾儒。繹其義。緝成文焉。惟直述。毋藻繪。毋忽。臣等奉

命惟謹。開局於

右順門之右。相與切摩。達厥本指。不敢有毫髮
增損。越明年二月。天文書譯既繕。寫以進。有
旨命臣伯宗為序。臣聞伏羲畫八卦。唐堯欽曆
象。大舜齊七政。神禹叙九疇。厯代相傳。載
籍益備。其言天地之變化。陰陽之闔闢。日
月星辰之運行。寒暑晝夜之代序。與夫人
事吉凶。物理消長。微妙弘衍矣。今觀西域

天文書與中國所傳殊途同歸則知至理精微之妙充塞宇宙豈以華夷而有間乎恭惟

皇上心與天通學稽古訓一言一動森若神明在上凡禮樂刑政陽舒陰歛皆法天而行期於七曜順度雨暘時若以致隆平之治皇上敬天勤民即伏羲堯舜禹之用心也經傳所載天人感應之理存于方寸審矣今又

譯成此書常留

審覽兢兢戒慎純亦不已。若是其至哉。是書遠
出夷裔。在元世百有餘年。晦而弗顯。今遇
聖明。表而為中國之用。備一家之言。何其幸也。
聖心廓焉大公。一視無間。超軼前代遠矣。刻而
列之。與中國聖賢之書並傳並用。豈惟有
補於當今。抑亦有功於萬世云。洪武十六
年五月辛亥翰林檢討臣吳伯宗謹序

天文書序

天理無象。其生人也。恩厚無窮。人之感恩而報天也。心亦罔極。然而大道在天地間。茫昧無聞。必有聰明睿智聖人者出。心得神會。斯道之妙。立教於當世。後之賢人接踵相承。又得上古聖人所傳之妙。以垂教于來世也。聖人馬合麻。及後賢輩出。有功於大道者。昭然可考。逮闊識牙耳大賢者生。闡揚至理。作為此書。極其精妙。後

人信守尊崇。縱有明智。不能加規而過矩也。

天文書目錄

凡天文書有四類。第一類。摠說題目。第二類。斷說世事吉凶。第三類。說人命運并流年。第四類。說一切選擇。

第一類。凡二十三門。

第一門。說撰此書為始之由。

第二門。說七曜性情。

第三門。說七曜吉凶。

第四門說七曜所屬陰陽。

第五門說七曜所屬晝夜。

第六門說各星離太陽遠近性情。

第七門說五星東出西入。

第八門說雜星性情。

第九門說十二宮分爲三等。

第十門說十二宮分陰陽晝夜。

第十一門說十二宮分性情。

第十二門說十二宮分度數相照。

第十三門說七曜所屬宮分。

第十四門說七曜廟旺宮分度數。

第十五門說三合宮分主星。

第十六門說每宮分度數分屬五星。

第十七門說每宮分為三分。

第十八門說各星宮度位分。

第十九門說七曜相照。

第二十門說各星力氣。

第二十一門說命宮等十二位分。

第二十二門說福德等箭。

第二十三門說各宮度主星強旺。

天文書第一類

第一門 說撰此書為始之由

凡書中緊要之理。則備言之。其說有兩等。第一等說。要知天輪行度之法。必用渾儀并測星之物。以算法推詳其理。為此已撰二書在前。若人於此書精通。則知此為至高至實之文。第二等說。天輪七曜有吉有凶。應世上之吉凶。其吉凶云何。必用上文所言渾儀算法體驗而後知之。

然非一定之理。間有不驗之時。不可因其不驗。遂廢此書也。如太陽性熱且燥。太陰性濕潤。又如四時不等。寒暑不同。或雨多。或雨少。因各星與太陽相遇。或太陽與各星相遇。在何宮分。或各星自相遇。以此故也。此是顯然之理。自古相傳至今。若人參透各星性情衰旺。及相遇度數。則知四時寒暑旱澇疾疫。又知人事禍福吉凶。既能先知。凡事可以豫備。

第二門 說七曜性情

太陽性熱。且燥。能熱所照之物。太陰性濕潤。所照之物。亦得滋潤。土星性寒。微燥。木星性溫和。又熱而潤。熱多潤少。火星性極燥。極熱。金星性亦溫和。又熱而潤。潤多熱少。水星性不定。遇熱則熱。遇寒則寒。遇潤則潤。遇燥則燥。又說。水星屬氣。生風。

第三門 說七曜吉凶

木星金星吉。性溫和。因性溫和。故吉。土星火星凶。土星性極寒。火星性極燥熱。因極寒極燥熱。故凶。太陽太陰二星吉。太陽與太陰或與五星三合六合則吉。相衝相會并二弦相照則凶。水星遇吉星則吉。遇凶星則凶。若水星獨在一宮。與各星不相遇。則取所在宮分并主星為吉凶。

第四門 說七曜所屬陰陽

太陽。土星。木星。火星。屬陽。太陰。金星。屬陰。此二星潤氣多。故屬陰。水星。遇陽星。則為陽。遇陰星。則為陰。又一說。水星在太陽前出。為陽。在太陽後落。為陰。又一說。水星在人安命宮。至第十宮。為陽。對宮。至第四宮。亦為陽。其餘六宮。屬陰。

第五門 說七曜所屬晝夜

太陽木星屬晝。因二星性皆熱。故屬晝。太陰金星屬夜。因二星性皆潤。故屬夜。水星遇晝星則屬晝。遇夜星則屬夜。出太陽之先為晝。落太陽之後為夜。土火二星。比其餘星異常。土星性寒。却屬晝。火星性熱。却屬夜。故曰異常。然土星性寒。屬晝。晝熱。則溫。火星性熱。屬夜。夜寒。則亦溫。因此得其平和。故萬物發生。若土星性寒。又屬

夜則極寒。火星性熱。又屬晝。則極熱。如此則不
得平和。萬物不生。七曜中。陽星屬晝。陰星屬夜。
唯火星不然。火星乃陽星。却屬夜。

第六門 說各星離太陽遠近性情

太陰與太陽相會後至上弦。性潤。上弦至望。性熱。望至下弦。性燥。下弦至再會。性寒。土木火三星與太陽相會後至第一位留處。性多潤。自第一位至與太陽相衝時。性多熱。自相衝處至第二位留處。性多燥。自第二位至與太陽再相會時。性多寒。金水二星與太陽相會後至第一位留處。性多潤。自第一位逆行後復與太陽相會。

時。性多熱。自相會後。至第二位留處。性多燥。自
第二位順行後。復與太陽相會時。性多寒。星有
性寒。性熱。性濕。性燥。各星或三合。六合。相衝。相
會。四正。等處相遇。并有力無力。所以天之氣。候
有不同也。推算者。宜子細詳之。

第七門 訖五星東出西入

五星先太陽出者。謂之東出。後太陽而入者。謂之西入。東出時。各有度數。土木火三星。離太陽不過六十度。金星離太陽不過四十五度。水星離太陽不過二十五度。金水二星。離太陽至遠。不過如此度數。五星後太陽入者。度數亦然。土木火三星。離太陽六十度之外。不在東出西入之數。

第八門說雜星性情

凡雜星數多。亦有與五星性情相類者。其星本無一定性情。或如金星者。或如土星者。或如木星者。或微如太陰太陽性情者。雜星大小有六等。有大顯者。有微顯者。其大顯者。乃第一等。第二等。并第三等最大之星。凡人作一事。看此時東方是何宮。分出地平環上。呼為命宮。却看命宮。或第十宮。有何大顯雜星在其上。又遇太陽。

太陰或木星或福星在上。又看雜星與何星性同。大相助福也。若雜星與凶星性同者。則其事先吉後凶。若雜星與吉星性同者。則始終皆吉。雜星內有一等星至凶。凡一切事。或人命限。遇此星。則事不吉。人命矣。若人要行一事。看此時東方。是何宮分出地平環上。以此為命宮。却看命宮主星。并太陰在何宮分。看所求何事。以何星為主。如求官。則以太陽為主。即看太陽與太

陰并命主星或三合六合吉照則事成矣。又看
雜星得力者與太陰或命主星性情相同者或
同度則事必成。且快利。今將雜星內選出光顯
有力者三十星。各星屬何宮分。係何等第。是何
性情。屬何方緯度。及三十星內凶星有幾箇。具
列于後。雜星三十。其一。是人坐椅子象上第十
二星。在白羊宮第二十度七分。屬黃道北。係第
三等星。有金土二星之性。其二。是金牛象上第

十四星在金牛宮二十度四十分。屬黃道南。係第一等星。有火星之性。凶。其三是人提猩猩頭象上第十二星。在金牛宮十二度四十分。屬黃道北。係第二等星。有火水二星之性。凶。其四是人提猩猩頭象上第七星。在金牛宮第十七度五十分。屬黃道北。係第二等星。有火水二星之性。凶。其五是人拿拄杖象上第一星。在陰陽宮第十度。屬黃道南。係第六等最小星。有水火二

星之性。凶。其六是人拿拄杖象上第四星在陰陽宮第十五度。屬黃道南。係第一等星。有水土二星之性。凶。其七是人拿拄杖象上第五星在陰陽宮第七度五分。屬黃道南。係第二等星。有土木二星之性。其八是人拿拄杖象上第十九星在陰陽宮第十度二十分。屬黃道南。係第一等星。有水土二星之性。其九是人拿拄杖象上第三十七星在陰陽宮第二度三分。屬黃道

南係第一等星。有木土二星之性。其十是人拿
馬牽胃象上第三星。在陰陽宮第八度。屬黃道
北。係第一等星。有火水二星之性。其十一。是人
拿馬牽胃象上第四星。在陰陽宮第十五度。五
十分。屬黃道北。係第二等星。有火水二星之性。
其十二。是大犬象上第一星。在巨蠬宮初度。四
十分。屬黃道南。係第一等星。有木星性。微兼火
星性。其十三。是小犬象上第二星。在巨蠬宮第

十二度一十分。屬黃道南。係第一等星。有水星性。又微有火星性。其十四是兩童子並立象上第一星。在巨蠬宮第六度二十分。屬黃道北。係第二等星。有水星之性。其十五是兩童子並立象上第二星。在巨蠬宮第九度四十分。屬黃道北。係第二等星。有火星之性。其十六是大蠬象上第一星。在巨蠬宮第二十三度二十分。屬黃道北。係第六等最小星。有火星太陰之性。凶。其

十七是獅子象上第六星。在獅子宮第十五度一十分。屬黃道北。係第二等星。有土星性。又微有火星之性。凶。其十八是獅子象上第八星。在獅子宮第十六度一十分。屬黃道北。係第一等星。有火星性。又微有木星性。凶。又云不甚凶。其十九是獅子象上第二十七星。在雙女宮第七度三十分。屬黃道北。係第一等星。有土金二星之性。其二十是人呼叫象外第一星。在天稱宮

第十度。屬黃道北。係第一等星。有水土二星之性。其二十一。是婦人有兩翅象上第十四星。在天稱宮第九度四十分。屬黃道南。係第一等星。有金星性。微有水星之性。其二十二。是缺椀象上第一星。在天稱宮第二十七度四十分。屬黃道北。係第二等星。有金水二星之性。其二十三。是蝎子象上第八星。在天蝎宮第二十五度四十分。屬黃道南。係第二等星。有火星性。微有木

星之性。凶。其二十四。是蝎子象上第二十星。在人馬宮第十四度一十分。屬黃道南。係第六等最小星。有太陽火星之性。凶。其二十五。是人彎弓騎馬象上第七星。在人馬宮第二十八度一十分。屬黃道北。係第六等最小星。有土水二星之性。凶。其二十六。是龜象上第一星。在磨羯宮初度二十分。屬黃道北。係第一等星。有金水二星之性。其二十七。是飛禽象上第三星。在磨羯

宮第十六度五十分。屬黃道北。係第二等星。有火木二星之性。其二十八。是寶瓶象上第四十二星。在寶瓶宮第二十度。屬黃道南。係第一等星。有土水二星之性。其二十九。是雞象上第五星。在寶瓶宮第二十二度一十分。屬黃道北。係第二等星。有金水二星之性。其三十。是大馬象上第三星。在雙魚宮第十五度一十分。屬黃道北。係第二等星。有火水二星之性。凶。已上星數。

是三百九十二年之前。度數如此。其星皆往東行。一年行五十四秒。十年行九分。六十六年行一度。觀者依此推之。

第九門 說十二宮分分為三等

白羊與天稱二宮。太陽到此晝夜停。自白羊宮至雙女宮為北六宮。天稱宮至雙魚宮為南六宮。入白羊宮轉北。入天稱宮轉南。太陽至巨蠚宮初度後漸轉於南。至磨羯宮初度漸轉於北。此四宮皆呼為轉宮。金牛宮獅子宮天蝎宮寶瓶宮。此四宮呼為定宮。陰陽宮雙女宮人馬宮雙魚宮。此四宮呼為二體宮。白羊宮金牛宮陰

陽宮屬春。巨蠊宮。獅子宮。雙女宮屬夏。天秤宮。
天蠍宮。人馬宮屬秋。磨羯宮。寶瓶宮。雙魚宮屬
冬。

第十門說十二宮分陰陽晝夜

白羊宮屬陽屬晝。金牛宮屬陰屬夜。陰陽宮屬陽屬晝。巨蠊宮屬陰屬夜。獅子宮屬陽屬晝。雙女宮屬陰屬夜。天稱宮屬陽屬晝。天蝎宮屬陰屬夜。人馬宮屬陽屬晝。磨羯宮屬陰屬夜。寶瓶宮屬陽屬晝。雙魚宮屬陰屬夜。又一云。命宮至第十宮為陽。第七宮至第四宮亦為陽。其餘六宮屬陰。

第十一門說十二宮分性情

白羊宮。獅子宮。人馬宮。三宮屬火。金牛宮。雙女宮。磨羯宮。三宮屬土。陰陽宮。天稱宮。寶瓶宮。三宮屬風。巨蠚宮。天蝎宮。雙魚宮。三宮屬水。火與風屬陽。屬晝。土與水屬陰。屬夜。

第十二門 說十二宮分度數相照

凡宮分相照者。隔六宮一百八十度呼為相衝。隔四宮一百二十度呼為三合。隔三宮九十度呼為二弦。隔兩宮六十度呼為六合。相衝照係相離。離恨凶。二弦照比相衝減半凶。三合照主和睦親厚吉。六合照比三合減半吉。若一星在白羊宮二度與雙魚宮二十八度同。一星在人馬宮二十八度與磨羯宮二度同。一星在陰陽

宮二十八度與巨蠚宮二度同。一星在雙女宮二十八度與天稱宮二度同。白羊宮初度至雙女宮末度屬北道。高係升上。天稱宮初度至雙魚宮末度屬南道。低係降下。

第十三門

說七曜所屬宮分

獅子宮屬太陽。巨蠊宮屬太陰。與二宮相對者。寶瓶宮。磨羯宮。屬土星。因土星性情與太陽太陰相拗。土星輪下是木星。因此人馬宮緊依磨羯宮。雙魚宮。緊依寶瓶宮。此二宮屬木星。白羊宮。與天蠍宮。屬火星。天蠍宮。緊依人馬宮。白羊宮。緊依雙魚宮。金牛宮。與天稱宮。屬金星。金牛宮。緊依白羊宮。天稱宮。緊依天蠍宮。陰陽宮。與

雙女宮。屬水星。陰陽宮緊依金牛宮。雙女宮緊
依天稱宮。木星二宮與太陰太陽宮分三合照。
金星二宮與太陰太陽宮分六合照。土星二宮
與太陰太陽宮分相衝照。火星二宮與太陰太
陽二宮相照。各星在本宮有力。在對照宮無力。

第十四門 說七曜廟旺宮分度數

自古論七曜廟旺度數並無不同。太陽在白羊宮第十九度。太陰在金牛宮第三度。土星在天稱宮二十一度。木星在巨蠊宮十五度。火星在磨羯宮二十八度。金星在雙魚宮二十七度。水星在雙女宮十五度。計都在陰陽宮第三度。羅喉在人馬宮第三度。已上各星皆為廟旺。各星在廟旺宮分。固旺到本度數上。為極旺。各星離

旺度則無力。如太陽在白羊宮十九度至二十五度為廟旺有力。到二十六度則無力。太陰在金牛宮第三度至二十三度為廟旺有力。到二十四度則無力。木星在巨蠍宮十五度至二十六度為廟旺有力。到二十七度則無力。火星在磨羯宮二十八度至三十度為廟旺有力。金星在雙魚宮二十七度至白羊宮十二度為廟旺有力。水星在雙女宮十五度至二十一度為廟

旺有力。過此皆無力。何為旺宮旺度。言各星到
本位上。高貴有力。與旺宮旺度對照者。是各星
無力弱處。

第十五門 說三合宮分主星

凡十二宮分均分作四分。每分三宮。呼為三合。白羊宮。獅子宮。人馬宮。屬火。屬東北方。主星晝太陽。木星。夜木星。太陽。晝夜相助者土星。金牛宮。雙女宮。磨羯宮。屬土。屬東南方。主星晝金星。太陰。夜太陰。金星。晝夜相助者火星。陰陽宮。天秤宮。寶瓶宮。屬風。屬西南方。主星晝土星。水星。夜水星。土星。晝夜相助者木星。巨蠊宮。天蠍宮。

雙魚宮屬水。屬西北方。主星。晝火星。金星。夜金星。火星。晝夜相助者。太陰。三合主星。如火局。太陽性熱燥。木星性熱潤。土星性寒燥。故以解太陽。木星之性。寒以解熱。燥以解潤。故平和。土局金星性熱而潤。潤多於熱。太陰性潤。火星性極燥。燥以解潤。故平和。風局。土星性寒燥。木星性熱而潤。水星性隨土木之性。木性熱潤。解土星寒燥。以此平和。水局。火性極燥。金星性熱而潤。

潤多於熱。太陰性極潤。以解火金之燥熱。故平和。又但是有人煙生物之處。亦分作四分。從中道上緯度往北分起。至緯度六十六度處止。經度自東海邊至西海邊。一百八十度。經緯取中處。緯度三十三度。經度九十度。東西南北。共分為四分。但是地方緯度三十三度以下。經度九十度以下者。此一分屬東南。若緯度三十三度以下。經度九十度之上者。此一分屬西南。若緯

度三十三度以上。經度九十度之下者。此一分
屬東北。若緯度三十三度之上。經度九十度之
上者。此一分屬西北。

第十六門 說每宮分度數分屬五星

凡每宮分度數分屬五星。但多寡不同。白羊宮初度至第六度屬木星。第七度至第十二度屬金星。第十三度至第二十度屬水星。第二十一度至二十五度屬火星。第二十六度至第三十度屬土星。金牛宮初度至第八度屬金星。第九度至第十四度屬水星。第十五度至第二十二度屬木星。第二十三度至第二十七度屬土星。

第二十八度至第三十度屬火星陰陽宮。初度至第六度屬水星。第七度至第十二度屬木星。第十三度至第十七度屬金星。第十八度至第二十四度屬火星。第二十五度至第三十度屬土星。巨蠍宮。初度至第七度屬火星。第八度至第十三度屬金星。第十四度至第十九度屬水星。第二十度至第二十六度屬木星。第二十七度至三十度屬土星。獅子宮。初度至第六度屬

木星第七度至第十一度。屬金星。第十二度至第十八度。屬土星。第十九度至第二十七度。屬水星。第二十八度至第三十度。屬火星。雙女宮初度至第七度。屬水星。第八度至第十六度。屬金星。第十七度至第二十一度。屬木星。第二十二度至第二十八度。屬火星。第二十九度至第三十度。屬土星。天稱宮初度至第六度。屬土星。第七度至第十四度。屬水星。第十五度至第二

十一度屬木星第二十二度至第二十八度屬金星第二十九度至第三十度屬火星天蠍宮初度至第七度屬火星第八度至第十一度屬金星第十二度至第十九度屬水星第二十度至第二十五度屬木星第二十六度至第三十度屬土星人馬宮初度至第十二度屬木星第十三度至第十七度屬金星第十八度至第二十一度屬水星第二十二度至第二十四度屬

土星第二十五度至第三十度。屬火星。磨羯宮
初度至第七度。屬水星。第八度至第十四度。屬
木星。第十五度至第二十二度。屬金星。第二十
三度至第二十七度。屬土星。第二十八度至第
三十度。屬火星。寶瓶宮。初度至第七度。屬水星。
第八度至第十三度。屬金星。第十四度至第二
十度。屬木星。第二十一度至二十五度。屬火星。
第二十六度至第三十度。屬土星。雙魚宮。初度

至第十二度。屬金星。第十三度至第十六度。屬木星。第十七度至第十九度。屬水星。第二十度至第二十八度。屬火星。第二十九度至第三十度。屬土星。如本星行至所屬度上。則有力。不言太陽太陰者。若木星到所屬度上。則有太陽之力。金星到所屬度上。則有太陰之力。每宮度數分屬五星者。有六家說。今特選此一家之說。

第十七門說每宮分為三分

凡十二宮。每宮分為三分。每分一十度。每十度為一面。每一面分與一星。自白羊宮起。白羊宮一度至十度。分與火星。火星係本宮主星。故為始。其後依天輪次第排去。周而復始。十一度至二十度。分與太陽。二十一度至三十度。分與金星。金牛宮。一度至十度。分與水星。十一度至二十度。分與太陰。二十一度至三十度。分與土星。

陰陽宮。一度至十度。分與木星。十一度至二十度。分與火星。二十一度至三十度。分與太陽。巨蠍宮。一度至十度。分與金星。十一度至二十度。分與水星。二十一度至三十度。分與太陰。獅子宮。一度至十度。分與土星。十一度至二十度。分與木星。二十一度至三十度。分與火星。雙女宮。一度至十度。分與太陽。十一度至二十度。分與金星。二十一度至三十度。分與水星。天稱宮。一

度至十度分與太陰。十一度至二十度分與土星。二十一度至三十度分與木星。天蝎宮一度至十度分與火星。十一度至二十度分與太陽。二十一度至三十度分與金星。人馬宮一度至十度分與水星。十一度至二十度分與太陰。二十一度至三十度分與土星。磨羯宮一度至十度分與木星。十一度至二十度分與火星。二十一度至三十度分與太陽。寶瓶宮一度至十度

分與金星十一度至二十度。分與水星二十一度至三十度。分與太陰雙魚宮一度至十度。分與土星十一度至二十度。分與木星二十一度至三十度。分與火星

第十八門 說各星宮度位分

凡各星有宮度位分。并喜樂位分。及看各星離太陰太陽遠近度數。又看各星在何宮分度數。何謂宮度位分。屬陽屬晝之星。晝在地上。夜在地下。屬陰屬夜之星。夜在地上。晝在地下。何謂喜樂位分。水星在命宮。太陰在第三宮。金星在第五宮。火星在第六宮。太陽在第九宮。木星在第十一宮。土星在第十二宮。皆為喜樂宮分。各

星若在本宮。看與太陰或太陽相離幾度。如金星在金牛宮。太陰在巨蠍宮。又如金星在天稱宮。太陽在獅子宮。皆是本宮位分。六合相照。極旺有力。又說各星在本宮。或在廟旺宮。或在四正。又與吉星相照。十分有力。如金星在命居天稱宮。或土星在命居磨羯宮。或土星居天稱宮。或火星在磨羯宮。則十分有力。又每一宮三十度。將三十度均分作十二分。每分二度半。不問

何宮。以第一分分與本宮主星。第二分分與第二宮主星。第三分分與第三宮主星。餘依此例分去。要知安命宮度數在十二分內第幾分。每一度作十二度。每一分作十二分。將摠合度數以三十除之。看餘剩若干。如安命在人馬宮二十六度一十五分。將此兩數用十二乘之。該三百一十五度。從人馬宮向磨羯宮數去。每宮散與三十度。至天稱宮則與十五度。天稱宮第一

分二度半。分與金星。第二分二度半。分與火星。
第三分二度半。分與木星。第四分二度半。分與
土星。第五分二度半。亦分與土星。第六分二度
半。分與木星。若別一星到此木星分定度數上。
同相照一般。遇吉則吉。遇凶則凶。餘星皆同此
論。此木星是每宮分十二分的主星。極與命宮
出力。其餘財帛等宮。依上例取用。

第十九門 說七曜相照

凡七曜相照。在經度上有八等。一相會。一相衝。二弦。二六合。二三合。共八等。太陽前後光一十五度。太陰一十二度。土木火三星。各九度。金水二星。各七度。假如火星追逐土星。相離九度。則二星沾光。呼為初會。凡星光度數均者。初會則各星度數減半。同沾光。若星光度數多少不同者。初會時。度數多者先沾光。少者光未沾。及少

者度數相及。則二星同沾光。為正會。凡二星同
度。為相會。但過一分。為相離。雖相離。力尚在。為
二星後光未盡也。若二星相會後。相離一分。或
二分。却再有一星在後。追及星。雖未到光。已相
沾。即與後星又為初會。各星相會。並同此例。此
是論各星經度。若各星在緯度相會。或黃道南。
或黃道北。尤為緊要。如二星緯度同。經度亦同。
則下星掩却上星。故相會為尤緊。再說二星相

遇若二星東出度數與對黃道的赤道度數相同。如雙魚宮二十五度與白羊宮五度同。或二星在兩處。日長短同。如一星在陰陽宮二十五度。一星在巨蠍宮五度。似此之類。亦呼為相遇。若二星相會後。一星前去。追及一星。即將先會星光移向後相會之星。如火星在白羊宮。木星在雙女宮。金星在陰陽宮。金星離火星。追及木星。却將火星之光移向木星。似此。火星與木星

亦為相遇。為金星先與火星六合照。後與木星相弦照也。又火星在白羊宮。木星在雙女宮。土星在陰陽宮。土星與火星六合。與木星相弦照。土星將木火二星光聚於一處。似此亦為相遇。若一星在本宮。或旺宮。或在分定度數上。却有一星來與相會。或三合照。則主星受客星之喜。吉。如木星在雙魚宮。太陰與之同度。木星與土星在天稱宮同度。即主星受客星之喜也。若不

在本宮及旺宮及分定度數上。則無力。若一星
在本宮。又在分定度數上。與一星或三合或六
合。或對衝。二弦相照。主星喜受相照星之力。比
上文所言之星。其力稍輕。若金水二星在白羊
宮。或在獅子宮。與太陽雖無相照。太陽亦喜受
二星在其宮也。言喜受之理者。不問大小一切
事。皆成就順快。若一星與一星同宮同度。一星
逆行。或在太陽光下。主星無力。則阻客星。若主

星在四正分定度數上。雖阻不甚。若本星不在四正并本宮及分定度數上。則甚阻客星。不吉。阻者。凡一應事務不能成就。有損傷敗壞之理。不吉。

第二十門說各星力氣

凡各星力氣有三等。一等是本體之力。一等是相助之力。一等是福氣之力。本體力者。各星在本宮。或廟旺宮。或三合。或在分定度數。或在喜樂宮。或一宮均分作三分。每分十度。其星在本度上。皆是各星本體有力氣處位分。此是揔論如此。若人求見君上。或求名分。或干係官事。其星在廟旺宮。勝如在本宮。利且吉。其餘一切求

請皆依此論。凡星在本宮。如人在本宅房屋內安居。若星在廟旺宮。如人在高貴位上坐。若星在三合。如人得志。諸事吉。得人相助。若星在各宮分定度數上。如人在親戚處居住。若星在每宮分三分之一度數上。如人在自己田產內。若星在喜樂宮。如人在喜樂之處。若屬陽之星。晝在地上。屬陰之星。夜在地上。如人與親戚朋友相會之喜。此各星本體之力也。又一說。如各星

在升高度數上有力。九十度之下為升高有力。九十度以上為降無力。如太陽在巨蠲宮初度為最高處。木星在天稱宮第二度為最高處之類。其餘以此推之。又一說各星順行疾為有力。土。木。火。先太陽東出有力。金。水。後太陽西入有力。又星在緯度黃道北。漸往北行時有力。以上皆說各星本體之力。次言相助之力者。若一星在四正中之一位。其第二位係相助本星之位。

若星在四正宮或相助之宮為有力。最有力者是命宮。其次第十宮。其次第七宮。其次第四宮。其次第十一宮。其次第五宮。其次第九宮。其次第三宮。其次第二宮。其次第八宮。唯第六宮并第十二宮。是至弱宮。無力。以上亦是揔說。若人求一公事。官祿宮主星有力於命宮主星者。吉。其餘宮分。以此例推之。第三言福氣之力者。若一星遇吉星。其吉星又順行。或吉星遇本星。皆

為受喜。又前後宮分或度數。又遇吉星。此為全吉。若一星在命宮。又有吉星在第二宮。又有吉星在第十二宮。謂之拱夾有力。吉。本體與相助者皆有力也。凡人命入此格。為大貴大賢之人。若人命宮前後遇凶星拱夾者。為低微至賤之人。大凡要知人有聰明識見。并身體安寧者。須看命主星有本體之力。要見人有聲名者。須看命主星有相助之力。要論財帛。却看財帛宮主

星。若財帛宮主星有本體之力。主有財得受用。若得相助之力。亦主有財。其財不得受用。若一星在命宮。一星在第十宮。第十宮之星旺。高於命宮之星。若星在第十一宮。雖高且旺。比第十宮為次也。若一星在本輪小輪上。近高。比其餘星在小輪下者為有力。

第二十一門

說命宮等十二位分

凡看各星在何宮分。一命宮者何謂。言人初生時。看東方是何宮分。出地平環上。即為命宮。命宮係人性體壽數。一切創生之事。第二宮係人生財帛衣祿生理相濟助。并未來之事。第三宮係親近并相助之人。及兄弟姊妹親戚及近出攤移之事。第四宮主父并田宅并一切結末之事。第五宮主男女喜樂使客信息慶賀并收成。

五穀菓木之類。第六宮係疾病奴僕并小畜孳生。第七宮主祖并妻妾婚姻火伴并離隙。第八宮係死亡凶險并妻財。第九宮係遷移遠方諸事更改并才學識見夢寐之類。第十宮主官祿高貴并母。第十一宮主福祿并想望之事。又朋友之事。第十二宮係讎人爭競并牢獄及大畜頭匹等類。若一星在命宮前離安命度數五度以下屬命宮。五度以上不屬命宮。屬第十二宮。

其餘宮分一體推之。此取用之法。前賢多曾體
驗如此。

第二十二門 說福德等箭

凡論福德等箭。箭者言其疾也。第一。福德之箭。晝生人。從太陽數至太陰幾度。夜生人。從太陰數至太陽幾度。又將安命度數。添在其上。看揔計幾度。命宮分與三十度。其餘財帛等宮。每宮各分與三十度。餘剩零數有幾度。在何宮分。此為福德之箭。如人安命在白羊宮第十度。太陽在獅子宮二十度。太陰在天稱宮第十五度。夜

生人。從太陰數起。至太陽處。三百零五度。將命宮十度。添於此處。合為三百一十五度。命宮分與三十度。金牛宮。至磨羯宮。各分與三十度。餘一十五度。在寶瓶宮。則寶瓶宮第十五度上。乃是夜生人。福德之箭。他皆倣此。又一等聰明遠識。出衆之箭。晝生人。從太陰數起。至太陽。是幾度。將安命度數。合為一處。揔該多少度數。從命宮分與三十度。財帛等宮。各分與三十度。至何

宮分餘下幾度便是晝生人聰明遠識出衆之
箭。夜生人從太陽數起至太陰是幾度將安命
度數合為一處。揔該多少。命宮分與三十度。財
帛等宮各分與三十度。餘數幾度在何宮分。便
是夜生人聰明遠識出衆之箭。第二等言財帛
宮之箭。不分晝夜。看財帛宮主星在何宮度。自
主星宮度數起。至財帛宮是幾度。將安命度數
合為一處。從命宮向財帛宮各分與三十度。至

何宮分。餘下幾度。便是財帛宮之箭。第三言兄弟宮之箭。不分晝夜。看兄弟宮主星在何宮度。自主星數起。至兄弟宮是幾度。將安命度數。合為一處。揔該多少。從命宮向財帛宮。各分與三十度。至何宮分。餘下幾度。便是兄弟宮之箭。第四言父親宮之箭。晝生人。從太陽數至土星。夜生人。從土星數至太陽。看得幾度。添上安命度數。自命宮向財帛宮。各分與三十度。至何宮分。

餘下幾度。便是父親宮之箭。又言母親宮之箭。晝生人。自金星數至太陰。夜生人。自太陰數至金星。看得幾度。添上安命度數。從命宮向財帛宮。各分與三十度。至何宮分。餘下幾度。便是母親宮之箭。第五言男女宮之箭。不分晝夜。看男女宮主星。在何宮度。自主星數起。至男女宮得幾度。添上安命度數。從命宮向財帛宮。各分與三十度。至何宮分。餘下幾度。便是男女宮之箭。

第六言疾病宮之箭。不分晝夜。看本宮主星在何宮度。自主星處數起。至本宮。該幾度。添上安命度數。從命宮向財帛宮。各分與三十度。餘下幾度。在何宮分。便是疾病宮之箭。又言奴僕宮之箭。亦不分晝夜。看水星在何宮度。自水星數起。至太陰。該幾度。添上安命度數。從命宮向財帛宮。各分與三十度。餘下幾度。在何宮分。便是奴僕宮之箭。第七言婚姻宮之箭。不分晝夜。男

自太陽數至金星。女自金星數至太陽。看得幾度。添上安命度數。從命宮向財帛等宮。各分與三十度。餘下幾度。在何宮分。便是婚姻宮之箭。第八言死亡凶險宮之箭。不分晝夜。看本宮主星在何宮度。自宮主星數起。至本宮是幾度。添上命宮度數。從命宮向財帛宮。每宮各分與三十度。至何宮分。餘下幾度。便是死亡凶險宮之箭。第九言遷移遠方宮之箭。不分晝夜。看本宮

主星在何宮度。自宮主星數起。至本宮。是幾度。
添上安命度數。從命宮向財帛宮。各分與三十
度。至何宮分。餘下幾度。便是遷移遠方宮之箭。
第十言官祿宮之箭。第十一言朋友并想望宮
之箭。第十二言讎恨并囚獄。大畜宮之箭。並同
此例。

第二十三門 說各宮度主星強旺

凡各宮度主星取氣力多者為上。本宮主星有四分氣力。廟旺宮主星有三分氣力。三合宮主星有二等。第一等有二分氣力。第二等有一分氣力。分定度數主星有一分氣力。若此等主星遇在本宮。或廟旺宮。或兩等三合宮。或分定度數上。則氣力加倍。如火星在白羊宮。即有八分氣力之類。其餘一切主星取氣力多者為之主。

星若一星比此主星氣力微少者。與此主星為助。若二星氣力同者。取宮主星為先。第二星為相助。如畫生人。安命在白羊宮第十度。火星是宮主星。太陽是廟旺宮主。并第一等三合宮主星。木星是第二等三合宮主星。金星是分定度數主星。若此諸星皆不在加倍氣力宮度上。則取太陽為主。為何。蓋太陽本是廟旺宮主星。有三分氣力。又是第一等三合宮主星。有二分氣

力。共得五分氣力。因此取為主星。火星雖是宮主星。只有四分氣力。比太陽氣力少一分。故與太陽為相助。其餘有力氣主星。各照前例推之。

天文書第一類